



Inatsisartuni ilaasortaq Andreas Uldum
Demokraatit
/maani

§ 37 naapertorlugu apeqquteqaammut akissut: Politikkikkut suliniarnermut aningaasanik tapiissutigineqartartunik ilanngaassineq

24. august 2012
Sagsnr. 2012-068221
Dok. Nr. 942977

Postboks 1605
3900 Nuuk
Tlf. (+299) 34 50 00
Fax (+299) 32 20 42
E-mail: tax@nanoq.gl
www.nanoq.gl

Asasara Andreas Uldum

Partiit pisortanut akiitsui aamma akiliisitsiniartarnermut periarfissat sorliit atuunnersut pillugit ulloq 12. juni 2012 apeqqutinnut qujanaq.

Apeqqut 1

Namminersorlutik Oqartussat pisortanut akiitsunik akiliisitsiniartarneq akiitsoqalersitsinaveersaannerlu pillugit inatsit atorlugu politikkikkut suliniarnermut tapiissutinik tunniunneqartartunik politikkikkut sulinerneq tapiissutitut Inatsisartut inatsisaat naapertorlugu, noqitsisinnaappat?

Akissut

Akissuteqarnermi aningaasarsianik ilanngaassineq, pigisanik qularnaveeqqutissanngorlugit arsaarinninneq aammalu pisortanit aningaasanik pisassanik ilanngartuussisinnaneq siunertaralugu apeqqutit apeqqutigineqartut tunngaveqarsorinerat aallaavigineqarpoq.

Naalakkersuinikkut sulinerneq aningaasatigut tapiissuteqartarneq pillugu Inatsisartut inatsisaat nr. 1, 31. maj 2001-imeersoq kingusinnerusukkut allanngortinneqartoq naapertorlugu partiinut tamanut ukiumoortumik tapiissuteqartoqartarpoq. Tapiissutit Inatsisartunit tunniunneqartarput kontumullu immikkut ittumut ikineqartarlutik, takuuk aningaasanut inatsimmi konto pingaarneq 01.06.11.

Aningaasarsianik ilanngaassinerneq tunngasut Kalaallit Nunaanni eqqartuussisarnermik inatsimmi nr. 305-imi 30. april 2008-meersumi, § 625, imm. 1-imi allassimapput, tassani allaqqavoq, pisortanit aningaasanit tamanit pisassanik ilanngaassisoqarsinnaasoq, tassunga ilanngullugit sulinerneq aningaasarsiat tunisassianillu tuniniaanermi pissarsiasat. Aalajangersaanerup atuutsinneqarnissaanut suliaqarnermi aningaasarsiasanik, soraarnerussutisiasanik assingisaannilluunniit ilanngaassisoqarsinnaavoq. Taamaattumik aalajangersagaq tunngavigalugu aningaasat pisortanit pisassat aningaasarsiatut isikkullit ilanngaatigineqarsinnaasorinarput, aningaasalli pisortanit pisassat taakkunungalu assingusut aalajangersagaq tunngavigalugu ilanngaatigineqarsinnaanatik. Taassuma saniatigut eqqartuussisarnermi inatsit inunnut inatsisilerinerneq suliaqartunut, taakkunungalu ilanngullugit partiit, atorneqarsinnaanngitsutut isigineqarpoq.

Pisortanut akiitsut akilersinniarneqartarnerat pinaveersaartinneqarnissaallu pillugit Inatsisartut inatsisaanni nr. 3-mi, 2. maj 1996-imeersumi § 5 naapertorlugu Akilaartarnerneq Aqutsisoqarfiup kommunit akileraarutigigallarsimasanik akiliivallaarutigisimasa-

nik ilanngaassinissaannik nalunaarfigisinnaavai. Piumasaqaatit aalajangersimasut matussuserniarlugit § 5-imi aalajangersimasumik taaneqartut tunngavigalugit tamanna pisinnaavoq. Aalajangersakkami politikikkut sulinermi tapiissutigineqartut ilaatinneqanngillat.

Aningaasanik tunniunneqareersimasunik ilanngaassisoqassappat, piumasaqaatit pingasut naammassineqarsimassapput: piumasaqaatigineqartut akilersorneqarnissaminut piareeqqanissaat, nalimmassarneqarsimanissaat illuatungeriillunilu isumaqatigiissutigereersimanissaat.

Piumasaqaatigineqartut akilersorneqarnissaminut piareersimanissaat tassaavoq, akilersugassat qaqugu akilersorneqarnissaat pillugu isumaqatigiissutigineqareernikoq.

Piumasaqaatigineqartut nalimmassarneqarsimanissaat tassaavoq, piumasaqaatit tamarmik qanoq isillugit akilersorneqarnissaat, imaluunniit qanoq isillugit ataatsimut utertinneqarnissaat, tamatumani utertitsineq aningaasannorlugu pinerusarpoq.

Piumasaqaatigineqartut illuatungeriilluni isumaqatigiissutigineqareersimanissaat tassaavoq, illuatungeriit imminut piumasaqaateqareersimanissaat.

Partiip politikkimik suliaqarnermini piumasaqaatai partiillu pineqartorpiaap soorlu assersuutigalugu akileraarutissai A-t akilernerqarsimannngitsut partiip piumasaqaatigisai ilanngartorneqassappata, Inatsisartut Naalakkersuisullu illuatungitut ataatsitsut illuatungitut illuatungeriit pillugit piumasaqaateqarnermi isigineqassapput.

Inatsisartut Naalakkersuisullu pillugit Inatsisartut inatsisaat nr. 26, 18. november 2010-meersumi § 1 naapertorlugu inatsisiliortut pissaanermillu atuutsitsisut avissaartinneqarsimapput. Taamaasilluni Inatsisartut Naalakkersuisullu pillugit Inatsisartut inatsisaat taanna tunngavigalugu Inatsisartut Naalakkersuisullu allaffissornikkut avisaqqasorinarput, taamaasillunilu illuatungeriilluni piumasaqaateqarsinnaatitaaneq naammassineqarsimanani, aammalu taamaattumik aningaasanik Inatsisartunit tunniunneqartunik ilanngartuussisoqarsinnaanani.

Tamanna tunngavigalugu Naalakkersuisut isumaqarput, Naalakkersuisut aningaasanik Inatsisartunit tunniunneqartunik piumasaqaateqarlutik ilanngartuisinnaatitaanngillat.

Akiliisitsiniartartut aningaasanik Inatsisartunit tunniunneqartartunik tunniussinaveersaarsinnaanngillat, kisianni soorlu assersuutigalugu partiit aningaaserivinni akiliukkalarsinnaavaat.

Apeqqu 1a

Apeqqu 1 itigartinneqassappat, paaserusuppara, qanoq iliorluni politikikkut tapiissutiniq noqitsinissaq pisinnaanersoq.

Akissut

Inatsisartut politikkimik suliaqarnermut Naalakkersuisunut kommuninulluunniit akiitsoqarneq pissutigalugu tapiissutigisartagaasa tunniunneveersaarnissaat Inatsisartut pisortanut akiitsunik akiliisitsiniartarnermi akiitsoqalernaveersaartitsinermilu inatsisaat tunngavigissallugu tulluarnepaasorinassaaq. Inatsimmik atuutsitsinermi iliussissaq tassaassaaq pigisanik qularnaveeqqutissanngorlugit arsaarinnineq.

Apeqquut 1b

Apeqquut 1 akuersaartumik akineqassappat paaserusuppara qitiusumik akiliisitsiniartartut imaluunniit kommuniusimasuni akiliisitsiniartartut sukkulluunniit taamatut noqitsinissaminnut iliuseqarsinnaanersut aamma tamanna qanoq inerneqassanersoq. Akissut pisariaqartitsineq naapertorlugu ilisarnarunnaarsarneqarsinnaavoq.

Akissut

Apeqquummut 1-imut innersuussisoqarpoq.

Apeqquut 2

Naalackersuisut apeqquummut tunngatillugu paasissutissanik allanik tunniussaqaarsinnaappat?

Akissut

Naamik.

Inussiarnersumik inuulluaqqusillunga


Maliina Abelsen